



MALITTARISASSAT

§ 1

Kattuffik siunertaalu

Kattuffik ateqarpoq INUIT ATAQATIGIIT, naalisarlugu IA (kingornatigut taasarlugu kattuffik), Kalaallit Nunaanni angerlarsimaffeqartoq.

INUIT ATAQATIGIIT tassaavoq immikkoortortaqrarfiit aaqqissuussaaniikkut ataqatigeeqarfinnik taajuuteqartut nuna tamakkerlugu aaqqissuunneqarfiat.

Imm.2. INUIT ATAQATIGIIT siunertaraat Kalaallit Nunaata aningaasaqarnikkut aamma nunat tamat akornanni inuiaat inatsisaat naapertorlugit namminersulivinnissaa. Nunatta naalackersuinikkut aningaasaqarnikkullu ineriartornera inuttut, inooqatigiissutsikkut avatangiisinullu tunngasutigut piujuarsinnaassuseqartumik ingerlanneqassaaq, kalaallillu kulturerput aallaavigissallugu. Inuiaqatigiit inuiaqatigiinnilu sullissiviit tamat oqartussaaqataaneranni tunngaviit pingaartitallu tunngavigalugit piorsarneqassapput, inuit pisinnaatitaaffii tamani atuuttut ataqqillugit.

Qularnaarneqassaaq naleqartut inuiaqatigiinni pilersinneqartut, inuiaqatigiinnut tamanut iluaqutaanissaat. Ataqqeqatigiinneq, naligiissuseq, assigiissuseq inooqatigiissutsikkullu nammaqatigiinneq partiip politikikkut suliaanut tunngaviupput.

Imm.3. INUIT ATAQATIGIIT naalackersuinikkut isumaasa tunngavii anguniagaallu tunngaviusumik pingaartitat siunertallu pillugit aalajangersakkani immikkut allaaserineqarput.

Imm.4. INUIT ATAQATIGIIT Nunani Avannarlerni partiit qorsuit saamerliit suleqatigiiffiannut The Nordic Green Left Alliancemut (NGLA) ilaasortaavoq aammalu nunat tamalaat akornanni eqqisseqatigiinnissaaq kiffaanngissuserlu anguniarlugu suliniuteqartunut tapersersuisuulluni.

§ 2

Ilaasortannngorsinnaaneq

Inuk kinaluunniit Inuit Ataqatigiit siunertaannut isumaqataasoq suleqataarusuttorlu ilaasortannngorsinnaavoq.

Imm.2. Tapersersuisoq anguniakkanullu suleqataarusuttoq ilaasortannngorsinnaavoq kommunerisami Inuit Ataqatigiit immikkoortorta qarfiat aqqutigalugu.

Imm.3. Ilaasortat immikkoortorta qarfimmu ilaasortaanermut akiliuteqartassapput. Ilaasortaanermut akiliut immikkoortorta qarfiit ukiumoortumik ataatsimeersuarnerminni aalajangersartassavaat.

Imm.4. Inuit Ataqatigiit qiningaattut suleqataalernerminni kommunemut allamut nuuttariaqalertoqarsimappat immikkoortorta qarfik ilaasortaaffigisaq ilaasortaaffigineqaannarsinnaavoq.

Imm.5. Partiimi allami naalackersuinikkut suleqataagaanni imaluunniit qinersinerni Inuit Ataqatigiit qinigassanngortitaasa avataani qinigassanngortikkaanni Inuit Ataqatigiinni ilaasortaaneq ingerlaannartumik atorunnaassaaq.

Imm.6. Nuna allami najugaqaraanni immikkoortorta qarfimmu nammineq toqqakkamut ilaasortaasoqarsinnaavoq. Nunami allami najugaqartoq immikkoortorta qarfimmu aalajangersimasumut ilaasortaaniarani aalajangeruni Kattuffimmu ilaasortaanermu akiliuteqartassaaq.

§ 3

Ilaasortaaneq

pisinnaatitaaffiit pisussaaffiillu

Inuit Ataqatigiinnu ilaasortat sulissutigissavaat Inuit Ataqatigiit siunertaasa anguniagaasalu siammaannissaat, naalackersuinikkut aalajangersaasarnerni suliniutitigullu sunniuteqarniarnikkut peqataanikkullu.

Imm.2. Tapersersuisutut ilaasortanngortoqarsinnaavoq najugarisami Inuit Ataqatigiit immikkoortorta qarfiat aqqutigalugu. Tapersersuisoq ataatsimiinnerni oqalussinnaatitaavoq taaseqataasinnaanani.

Imm.3. Ilaasorta q kinaluunniit ilaasortaanermu akiliisartoq pisinnaatitaaffeqarpoq immikkoortorta qarfiup siulersuisuisa akuerisaannik tamat oqartussaaqataanerat tunngavigalugu aalajangiisartunut tamanu

qineqqusaarnissamut kiisalu Kattuffiup siulersuisuisa akuerisaanik
naalackersuinikkut qiningaaffinnut, Nunaqarfinni aqutsisunut,
kommunalbestyrelsenut, Inatsisartunut aammalu Folketingimut
qineqqusaarnissamut.

Imm.4. Ilaasortaanermut akiliut qaammatit pingasut sinnerlugit
akilerneqarsimangippat, Kattuffiup iluani pisinnaatitaaffinnut aammalu tamat
oqartussaaqataanerat tunngavingalugu aalajangiisartunut tamanut Inuit
Ataqatigiit sinnerlugit qiningassanngortissinnaaneq atorunnaassapput.
Pisinnaatitaaffiit atuutileqqissaput akiligassaq tamakkiisumik akilerneqarpat.

Imm.5. Inuit Ataqatigiit immikkoortortaqarfia siulersuisuunernut
qinnuteqarneratigut, Siulersuisuunerit Inuit Ataqatigiit sinnerlugit
qineqqusaarnissamut peqataasinnaatitaanermik aajangangiissapput §3 imm. 4
naapertorlugu naalackersuinikkut qinersinernut qinigassanngortinniartoq
qaammatini kingullerni pingasuni ilaasortaanermut akiliisimangippat.

Imm.6. Ilaasortaq Inuit Ataqatigiit pingaaruteqartutigut siunertaannik
malittarisassaanniillu unioqqutitsisoq immikkoortortaqarfimmit
ilaasortaajunnaarsinneqarsinnaavoq immikkoortortaqarfiup siulersuisuni
ilaasortat 2/3-iisa tamanna inassutigippassuk. Ilaasortaajunnaarsitsinissamik
inassutit tamarmik kattuffiup siulersuisuunerinut
aalajangigassanngortinneqartassapput.

Imm.7. Ilaasortaq qinikkatut pisussaaffilik kattuffiup tunngaviusumik
siunnerfiinut malittarisassaanullu ataqqinnissaaq. Qinikkatut pisussaaffiusut
naammaginaratumik naammassinneqanngippata siulersuisuunerit 2/3-iisa
aalajangiineratigut ilaasortaajunnaarsitsisinnaapput.

§ 4

Immikkoortortaqarfiit

Sumiluunniit najugaqarfinni Inuit Ataqatigiit siunertaannik anguniagaannillu
tapersersuisut immikkoortortaqarfimmik pilersitsinnaapput. Imm. 2.
Immikkoortortaqarfiit pisussaaffigaat Inuit Ataqatigiit naalackersuinikkut
siunertaasa anguniagaasalu siammarterneqarnissaannut suleqataassallutik.

Imm.3. Immikkoortortaqarfiit Inuit Ataqatigiit Kattuffiata siunertaanut
naleqqussakkanik malittarisassaqaassapput, minnerpaamillu ukiut tamaasa
ataatsimeersuartassallutik namminnerlu suleriusissartik
aalajangerssartassavaat. Ataatsimeersuarnerup imaqarniliornera,
malittarisassat naatsorsuutillu allakkatigut kattuffimmut
nassiunneqartassapput.

Imm.4. Kattuffiup inuusuttai Inuusuttut Ataqatigiit nuna tamakkerlugu
ataatsimeersuarnermi akuerineqartunik namminerisaminnik
malittarisassaqaqarput siulersuisuunernilu marlunnik ilaasortaataitaqarlutik.

Inuusuttut Ataqatigiit malittarisassa at kattuffiup tunngaviumik siunertaanut malittarisasaanullu naapertuuttuussapput.

Imm.5. Inuit Ataqatigiit tunuliaqutaralugit qinikkatut inissisimaffeqartut tamarmik najugarisaminni kommuunerisaminnulluunnit immikkoortortaqarfimmut attaveqartuarnissamut suleqataanissamullu pisussaaffeqarput.

Imm.6 Immikkoortortaqarfiit imminnut qanitariit kattunneqarsinnaapput imaluunniit nunap immikkoortuini suleqatigiinnertik piorsarlugu suleqatigiiffeqarsinnaallutik.

Imm.7. Immikkoortortaqarfiit Kattuffimmut ukiumoortumik akiliuteqartassapput. Akiliutip annertussusia nuna tamakkerlugu ataatsimeersuarnermi aalajangersarneqartassaaq.

Imm.8. Immikkoortortaqarfik immikkut ittumik ataatsimeersuariaqqusisinnaavoq immikkoortortaqarfiup siulersuisuisa imaluunniit ilaasortat amerlanerussuteqartut tamanna piumasarippassuk.

Imm.9. Immikkoortortaqarfik atorunnaarsinneqarsinnaavoq ataatsimeersuarnermi taaseqataasinnaasut 2/3-iisa aalajangiuppasuk. Immikkoortortaqarfiup aningaasaatai pigisaalu nalillit nuna tamakkerlugu kattuffimmut pigisassanngortinneqassapput. Atorunnaarsitsineq kattuffiup allaffianut allakkatigut nalunaarutigineqassaaq.

§ 5

Kattuffik, Siulersuisuunerit aamma Ulluinnarni Aqutsisut

INUIT ATAQATIGIIT tassaavoq partiip immikkoortortaqarfiisa nuna tamakkerlugu naalakkersuinikkut pissutsit pillugit aqqissuunneqarfiat. Kattuffik ukiut pingasukkuutaarlugit nuna tamakkerlugu ataatsimeersuuartarpoq.

Imm.2. Nuna tamakkerlugu ataatsimeersuarnermi siulersuisuunertut qinerneqartut tassaapput ataatsimeersuarnermi aalajangersaunerit oqartussaassuseqarnerpaaffiusut tunngavingalugit tulliullitik oqartussaassuseqarnerpaasut. Siulersuisuunerit akisussaaffigaat ataatsimeersuarnermi aalajangiunneqartut piviusunngortinnissaannut aammalu politikikkut aqqissuussaaniikkullu immikkoortortaqarfiit qaninut suleqatigalugit ineriartortitsinissamut. Siulersuisuunerit kattuffiup allattoqarfiata aningaasaqarnikkut ingerlanneqarnera akisussaaffigaat.

Imm.3. Siulersuisuunerit ulluinnarni suleriaasissartik nammineq aalajangersartassavaat, tamannalu pisassaaq nuna tamakkerlugu ataatsimeersuarnerup kingorna siulersuisuunerit inissitsiterlutik ataatsimeeqqaarneranni, taamatuttaaq kattuffiup sulinerani ingerlanneqarneranilu suliniutissatut pilersaarutit aalajangersarneqassallutik.

Siulersuisuunerit sammisanut aalajangersimasunut suleqatigiissitanik suligasuartussanik pilersitsisinnaapput.

Imm. 4. Siulersuisuunerit ataatsimiittarnerini, Naalakkersuisunut ilaasortaatitat, Inatsisartunut Folketingimullu ilaasortaatitat, kommunalbestyrelsinut aamma nunaqarfiit siulersuisuinut ilaasortaatitat kiisalu borgmesteriutitat Siulersuisuunerni ilaasortaanngitsut peqataasut oqaaseqarsinnaatitaapput taasisinnaatitaanati.

Imm.5. Siulersuisuunerit ataatsimiinneranni politikkikkut sulianik paasissutissiinissamik saqqummeeqqullugit peqquneqarsinnaapput partiimi Naalakkersuisunut ilaasortat, Inatsisartut gruppiata siulittaasua, partiip borgmesteriutitai, kommunalbestyrelsemi gruppini siulittaasoq aamma Folketingimi ilaasortaq.

Imm.6. Siulersuisuunerit ataatsimiittassapput Ulluinnarni Aqutsisut piumarisagaagassuk, ikinnerpaamik ukiumut pingasoriarlutik. Siulersuisuunerit ukiumut ataatsiarlutik kiinarsillutik naapittassapput, ataatsimiinnerillu taassuma saniatigut ingerlanneqartut isiginnaarutikkut ingerlanneqassapput. Ataatsimiinnerni aalajangiunneqartut allattaavimmut allanneqartassapput immikkoortorta qarfinnullu ilisimatitsissutitut nassiunneqartassallutik kingusinnerpaamik sapaatip akunnera ataaseq qaangiutsinnagu.

Imm.7. Ulluinnarni Aqutsisut ukuninga ilaasortaqassapput: Siulittaasoq, siulittaasup tullia naalakkersuinikkut pissutsinut akisussaasoq, siulittaasup tullia ataqatigiissaaarisooq, aningaaserisooq kiisalu siulersuisuunerniit ataaseq Ulluinnarni Aqutsisunut ilaasortaaasusaaq ataatsimeersuarnermi qinerneqartoq.

Imm.8. Ulluinnarni Aqutsisut ulluinnarni suleriaasertik nammineq aalajangersartassavaat.

Imm.9. Ulluinnarni Aqutsisut kattuffiup aningaasaataasa pigisaasalu nalillit isumannaatsumik aqunneqarnissaat akisussaaffigaat, kiisalu kattuffiup ataatsimut sulinera immikkoortorta qarfiillu sulinerat nakkutigisassaralugu.

§ 6

Kattuffiup allaffeqarfia

Kattuffiup allaffeqarfia suliassa qarfinni tamani ataqatigiissaariffiusumik qullersaqarfittut allatto qarfivoq. Siulersuisuunerit Kattuffiup ingerlanneqarneranut akisussaasuupput. Siulersuisuunerit Kattuffimmi allattaanernertut atorfeqartussamik atorfinititsissapput.

Imm.2. Kattuffimmi allattaanerup allatto qarfimmi ulluinnarni suliassat aqutsinerlu akisussaaffigai naalakkersuinikkullu kattuffiup anguniangaasa anguneqarnisaanut suleqataallunilu qulakkeerinneqataassaaq. Kattuffiup

allattaanera siulittaasumut sullisissaaq, ulluinnarnilu aqutsisut suleqatigalugit allattoqarfimmi sulisunik atorfinittisartuuvoq.

Imm.3. Allattoqarfiup qassinik sulisoqarnissaa Siulersuisuunerit aalajangersassavaat.

Imm. 4. Kattuffiup allattaanera siulersuisuunernut ukiumut aningaasaqarnikkut naatsorsuutissatut missingiummik suliaqartassaaq, missingiullu naapertorlugu siulersuisuunerit anguniangaasa piviusunngortinneqarnissaannut ukiumoortunik pilersaarummik saqqummiussisassalluni. Kattuffiup allattaanera ukiumut marloriarluni aningaasaqarnikkut ingerlatsineq pillugu siulersuisuunernut nalunaarusiortassaaq, tamatumunnga ilaatinneqartassallutik aningaasaqarnikkut naatsorsuutaagallartut oqaaseqaataallu. Ukiumoortumik naatsorsuutit siulersuisuunernut saqqummiunneqartassapput taakkunanngalu akuersissutigineqartassallutik.

Imm. 5. Aningaasaqarnermut atatillugu uppernarsaasutut atsiorsinnaatitaapput siulittaasoq aamma Kattuffiup allattaanera. Siulittaasoq pisinnaanngippat siulittaasup tullia naalakkersuinikkut pissutsinut akisussaasoq aamma aningaaserisoq aningaasaqarnermut atatillugu uppernarsaasutut kattuffiup allattaanera suleqatigalugu atsiorsinnaapput. Kattuffiup allattaanera pisinnaanngippat siulittaasoq aningaaserisoq suleqatigalugu aningaasaqarnermut atatillugu uppernarsaasutut atsiorsinnaatitaapput.

§ 7

Kattuffiup aningaasalersorneqarnera

Kattuffiup naatsorsuutaasa ukioq ilivitsaq malissavaat. Ukiup siulianut naatsorsuutit suliarineqarlutillu naammassineqartassapput kingusinnerpaamik junip 30-ni, kukkunerisiorneqartassallutillu naalagaaffiup kukkunerisuisartutut akuerisimasaanit.

Imm.2. Immikkoortortaqarfiit kattuffimmut ilaasortaanerminnut nuna tamakkerlugu ataatsimeersuarnermi aalajangiunneqartoq tunngavigalugu inuttussuseq (sumiiffimmi innuttaasut amerlassusaat) tunngavigalugu akiliuteqartassapput, imalu juulip 21-ni 2024-meersumik ukiumut akiliuteqartassasut aalajangiunneqarpoq:

INUTTUSSUSEQ	AKILIUTISSAQ KR.
0 – 300	200,00
301 – 1.000	750,00

1.001 – 2.000	1.000,00
2.001 – 4.000	2.000,00
4.001 – 10.000	2.500,00
10.001 – 15.000	3.500,00
15.001 >	4.500,00

Imm.3. Kattuffimmi qinikkat qiningaaffiup aallartinnerani partiskattimut allattoqarfik suleqatigalugu akiliuteqartarnissamut isumaqatigiissuteqassapput. Qinikkat partiskattimut qaammammut akiliuteqartinneqassasut ataatsimeersuarnermi julip 21-ni 2024 ima aalajangiunneqarpoq:

QINIKKAT	AKILIUTISSAQ KR.
Naalackersuisunut ilaasortaq	2000.00
Inatsisartunut ilaasortaq	1000.00
Borgmesterit	2000.00
Kommunalbestyrelsemi ilaasortaq	200.00
Kommunalbestyrelsemi ataatsimiititaliami siulittaasog	400.00
Nunaqarfinni aqutsinut ilaasortaq	50.00
Folketingimi ilaasortaq	2000 .00

Imm.4. Siulersuisuunerit ataatsimiinnermut peqataanermikkut ataatsimiinnermut ataatsimut aalajangersimasumik ataatsimiinnermusiaqartinneqartassapput. Ataatsimiinnermusiat aningaasarsianit b-nik akileraaruteqarnikkut tunniunneqassapput allattoqarfimmiillu Akileraaruseriffimmut nalunaarutigineqassallutik. Ataatsimiinnermusiat annertussusaat ataatsimeersuarnermi julip 21-ni 2024 ima aalajangerneqarpoq:

	KR-inngorlugit
Siulersuisuunernut ilaasortaq	1500.00

§8

Nuna tamakkerlugu ataatsimeersuarneq

Nuna tamakkerlugu ataatsimeersuarneq tassaavoq Inuit Ataqatigiit naalackersuinikkut sulineranni tungaviusumik siunissamilu anguniagassat suliniutissallu pillugit aalajangersaanermi oqartussaassuseqarnerpaaq, siulersuisuunernillu qinersiffiusartog. Ataatsimeersuarneq ammasumik ingerlanneqassaaq atortorissaarutigullu malinnaaffigineqarsinnaasassalluni.

Imm.2. Immikkut ittunik nuna tamakkerlugu ataatsimeersuartoqarsinnaavoq immikkut ittunik pingaaruteqartunik oqaluuserisassaqaartillugu, tamannalu pisinnaavoq siulersuisuunerit imaluunniit immikkoortortaqaarfiit amerlanerussuteqartut piumasarippassuk.

Imm.3. Siulersuisuunerit oqaluuserisassanik matoqqasumik suliariaqaartitsinissamut alaajangiisinnaatitaapput. Taamaattoqaartillugu siulersuisuunerit allattaanerlu kisimik ataatsimiinnermi najuuttassapput.

Imm.4. Ataatsimeersuarneq ukiut pingasukkuutaarlugit ingerlanneqartarpoq nalinginnaasumik ataatsimeersuarneq kingulleq aallaavigalugu, taamaalilluni nalinginnaasumik ataatsimeersuarnerup kingorna ukiut pingajussaanni pisassalluni, aamma akornanni immikkut ittunik ataatsimeersuartoqarsimagaluarpat. Ataatsimeersuarnermi aalajangersimasumik qulequtaqarluni ataatsimeersuarneq aalajangiiffiusinnaavoq, tamanna pisinnaavoq immikkoortortaqaarfiit siulersuisuunerninnillu siunnersuuteqartoqarneratigut.

Imm.5. Ataatsimeersuarneq immikkorluinnaq pisoqaartillugu katersuulluni ingerlanneqarsinnaanngippat siulersuisuunerit aalajangersinnaapput ataatsimeersuarneq attaveqaatit sulluunniit atorlugit ingerlanneqassasoq.

Imm.6. Katersuulluni ataatsimeersuarneq ingerlanneqarsinnaanngippat ataatsimeersuarnermi attaveqaatit atorlugit aallartianik taasisinnaatitaasunik siulersuisuunerit innersuussuteqassapput.

Imm.7. Taaseqataasinnaasutut aallartitaq ataatsimeersuarnermi peqquteqartumik peqataasinnaanngitsoq peqataasinnaanissaminulluunniit peqquteqarluni peqaasinnaajunnaarpat taaseqataanissamut periarfissinneqarsinnaavoq, peqataasinnaannginnini allakkatigut qinnuteqaammini nassuiarpagu. Ataatsimeersuartut qinnuteqaat aalaangiivigissavaat. Taaseqataasinnaanermut periarfissiineq atuutissaaq qinersinerup nalaani attaveqaatit atorlugit qinereqataanikkut.

Imm.8. Nuna tamakkerlugu ataatsimeersuarnermut taaseqataasinnaasutut aallartitat sinniisussallu kikkuussanersut immikkoortortaqaarfiit ataasiakkaat aalajangersartassavaat, taamaattoq immikkoortortaqaarfimmi ilaasortaanermut akiliummik qaammatit pingasut sinnerlugit akiliisimangitsoq taaseqataasinnaalluni aallartitatut akuerineqarsinnaanngilaq. Immikkoortortaqaarfiit tamarmik taaseqataasinnaasutut akuerisaasumik ataatsimik aallartitaqarsinnaapput. Najugarisami immikkoortortaqaarfik sinnerlugu immikkoortortaqaarfinnut qanitariinnut kattunneqarsimasunut ilaasortasoq ataatsimeersuarnermi taaseqataasinnaasumik ataatsimik aallartitaqarsinnaatitaavoq.

Imm.9. Taakku saniatigut taaseqataasinnaallutik peqataasinnaatitaapput siulersuisuunernut ilaasortat, qinigaaffiusuni qinikkat nunaqarfinni siulersuisunut, kommunalbestyrelsinut, Inatsisartunut, Naalackersuisunut

kiisalu Folketingimut ilaasortaatitat annerpaamik qaammatini pingasuni akiliutissaminnik kinguaattooruteqarsimannngitsut.

Imm.11. Nuna tamakkerlugu ataatsimeersuarnermut peqataallutillu najuussinnaatitaapput soqutiginnittut, alaatsinaatsut aammalu qaaqqusat. Pineqartut oqaaseqarsinnaatitaapput taamaattorli taaseqataasinnaanatik.

Imm.12. Siulersuisuunernut, suleqatigiissitalianut suligasuartussanut il.il. qinersinerni arnat angutillu sapinngisamik amerlaqatigiit sassartarnissaat anguniarneqartassaaq. Ulluinnarni aqutsisunittaaq sapinngisanik arnat angutillu amerlaqatigiit ulluinnarni aqutsisuusarnissaat anguniarneqartassalluni.

Imm.13. Nuna tamakkerlugu ataatsimeersuarnissaq sivikinnerpaamik qaammatinik pingasunik sioqqullugu sumi qaqugulu pinissaa siulersuisuunerit immikkoortorta qarfinnut allakkatigut nalunaarutigisassavaat. Ilanngullugu immikkoortorta qarfiit, suleqatigiissitat qinikkallu immikkoortorta qarfiit aqutugalugit qinnuigineqassapput oqaluuserisassatut siunnersuutinik tunngavilersuutinik ilaqartunik allakkatigut nassiussaqaqqullugit, nuna tamakkerlugu ataatsimeersuarnerup pinissaa kingusinnerpaamik sap.ak. arfinillit sioqqullugit.

Imm.14. Oqaluuserisassatut siunnersuutit piffissaq eqqorlugu tiguneqartut immikkoortorta qarfinnut susassaqaqtunullu allanut allakkatigut nassiunneqassapput nuna tamakkerlugu ataatsimeersuarnissap pinissaa kingusinnerpaamik sap.ak. sisamat sioqqullugit.

Imm.15. Nuna tamakkerlugu ataatsimeersuarnermi oqaluuserisassatut siunnersuutit, paasissutissat nalinginnaasut aammalu nalunaarusiat inuiaqatigiinnut soqutiginaateqarsinnaasut Inuit Ataqtigiit nittartagaat "Aningaaq" aqutugalugu saqqummersinneqassapput nuna tamakkerlugu ataatsimeersuarnissap pinissaa kingusinnerpaamik sap.ak. pingasunik sioqqullugu.

§9

Nuna tamakkerlugu ataatsimeersuarnerup ingerlanissaa

Allatsinneq ataatsimiissutissanillu agguaneq sapinngisamik ulloq ataaseq sioqqullugu pisassaaq. Taaseqataasinnaasutut pernaammik aallartitaasut nuna tamakkerlugu ataatsimeersuarnermut tunngasualunnik sivikitsumik nassuiaanneqassapput, aamma ajornanngippat ulloq ataaseq sioqqullugu.

Imm.2. Ataatsimeersuarnerup ingerlanissaa:

1. Ataatsimeersuarnermi aqutsisussanik qinersineq
2. Oqaluuserisassanngortitat akuersissutigineqarnerat
3. Imarniliortussamik qinersineq

4. Taaseqataasinnaasunik aalajangersaaneq
5. Oqalugiaatit
6. Siulersuisuunerit nalunaarutaat
7. Siulersuisuunerit nalunaarutaata oqaluuserineqarnera taasis-sutigineqarnerallu
8. Kattuffiup naatsorsuutaasa saqqummiunneqarnerat akuerineqarnerallu
9. Malittarisassanut allannguutissatut siunnersuutit saqqummiunneqarnerat, oqaluuserineqarnerat akuersissutigineqarnerallu
10. Oqaluuserisassatut siunnersuutit saqqummiunneqarnerat oqaluu-serineqarnerallu, matuma ataani ataatsimeersuarnissap tullianut anguniagassatut siunnersuutit
11. Anguniagassanik aalajangersaaneq (§ 1 imm. 3)
12. Ilaasortaanermut akiliutip aalajangersaaffigineqarnera
13. Immikkoortorta qarfiit akiliutaasa aalajangersaavigineqarnerat
14. Ataatsimiinnermusiap aallajangiiffigineqarnera
15. Siulersuisuunernik qinersineq:
 - 15.1 Siulittaasq
 - 15.2 Siulittaasup tullia naalakkersuinikkut pissutsinut akisussaasq
 - 15.3 Siulittaasup tullia ataqatigiissaarisq
 - 15.4 Aningaaserisq
 - 15.5 Kommunit sinniisui siulersuisuunernut ilaasortat 5, sinniisuilu tallimat
 - 15.6 Siulersuisuunernut ilaasortat 2, sinniisuilu marluk ilaasortat marluk sinniisuilu marluk
 - 15.7 Inuusuttut Ataqatigiinniit siulersuunernut ilaasortat marluk sinniisussaalu marluk
16. Ulluinnarni aqutsisunik qinersineq
 - 16.1 Ulluinnarni Aqutsisunut ilaasorta q ataaseq sinniisorlu ataaseq
17. Avammut oqaaseqaat
18. Tamalaat

§10

Siulittaasutut il. il. qineqqusaarnermi aralinnik qinigassanngortoqartillugu periusissaq

Siulittaasumut il.il. qinigassanngortittut arlaqarpata qinersineq allakkatigut pisassaaq. Taaneqartut amerlaqatigiinnik taaneqarsimappata qinersisoqaqqissaaq. Pingajussaanic taaseqqittoqassatillugu nuna tamakkerlugu ataatsimeersuarneq unitsikkallarlugi qineqqusaartut imminnut oqaloqatigiissinneqassapput, taamatullu nuna tamakkerlugu ataatsimeersuartut periarfissinneqassapput qineqqusaartut oqaloqatiginissaannut.

Imm.2. Amerlaqatigiiginnartoqartillugu makitsinikkut makitaasoq qinerneqartutut ivertinneqartassaaq.

§11

Inuit Ataqatigiit nittartagaat Aningaaq

Kattuffiup nittartagaata Aningaap siunertaraa Inuit Ataqatigiit siunertaasa, anguniagaasa isumaasalu ingerlaavartumik saqqummiuttarnissaat, isumassarsianik isummersuutinillu oqallissaarutissanik tapertalerlugit.

Nittartakkap Aningaap pitsaasumik ingerlaavartumillu, minnerunngitsumillu ullutsinnut naleqquttumik, ingerlanneqarnissaa Ulluinnarni Aqutsisut akisussaaffigaat.

Imm.2. Nutaarsiassat ukiumut aalajangersimasumik amerlassuseqartut nittartakkakut saqqummersinneqartarnissaat allattaanerup akisussaaffigaa.

§12

Malittarisassanik allanngortitsineq

Malittarisassanut allannguutissatut siunnersuutit taamaallaat akuerineqarsinnaapput taaseqataasinnaallutik ataatsimeersuartut tamarmiusut 2/3-iisa isumaqatigippatigit.

Imm.2. Nuna tamakkerlugu ataatsimiinnermi, siulersuisut ulluinnarnilu aqutsisut siuliisa aalajangigaat, malittarisassallu taakku atuutilerneranni atuuttut, malittarisasat nutaat allanngortinneqarnissamik aalajangertoqarnissaata tungaannut atuutissapput.

§ 13

Malittarisassat nutaat atuutilerfiat

Malittarisassat Aasianni ulloq 21. juli 2024 nuna tamakkerlugu ataatsimeersuarnermi akuerineqarnermik kingorna, ulloq 21. juli 2024 atuutilerput.

Imm.2. Malittarisassat maleruagassaasimasut, Nuummi ulloq 21. September 2021 akuerineqartut atorunnaarsinneqarput.